

Un encuentro informativo di con ta traha un plan pa salvaguardia

ORANJESTAD - Fundacion Herencia Cultural Inmaterial ta duna un presentacion cortico ariba con ta traha un plan pa salvaguardia un tradicion, custumber of expresion cultural. Cu e plan di salvaguardia gruponan por tene esakinan bibo dor di identifica, documenta y pasa nan pa otro generacion. E presentacion ta tuma luga ariba diaranson dia 12 di maart pa 7'or di anochi na Biblioteca Nacional Aruba.

Ora di salvaguardia tradicion, custumber y expresion cultural, e comunidad, gruponan cultural y individuonan den veld cultural ta hunga un rol clave. Nan ta e actornan principal. Ta nan ta practica herencia cultural inmaterial, ta dun'e contenido y ta tene bibo. UNESCO ta ofrece un guia na gruponan pa salvaguardia nan herencia cultural inmaterial. Con ta traha un plan asina ta locual miembronan di Fundacion Herencia Cultural inmaterial ta splica riba e anochi aki. E encuentro informativo ta gratis y habri pa un y tur cu ta interesa pa sa mas riba e topico aki.

Ta invita gruponan cu kier pa nan tradicion bay riba Inventario Nacional di Aruba pa tuma nota di e informacion di e procedura. Gruponan mes ta nomina nan herencia cultural inmaterial pa e inventario. ☐

